

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 07.12.2021թ. թիվ 2113901158 որոշման հիմքում դրված փաստական հանգամանքների դեմ բերված գանգապն առանց բավարարման թողնելու մասին

<<10>> 03 2022թ. 7-13 1726

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Միրիբյանի թիվ ՄԴ/12544-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի Գավառ քաղաքի Օգոստոսի 23-ի փողոց 35 տան բնակիչ Սուրեն Միրիբյանը դիմումով խնդրել է չեղարկել վարչական տույժ նշանակելու մասին 07.12.2021թ. թիվ 2113901158 որոշումը՝ նշելով, որ իրավախախտումը կատարվել է այլ անձի կողմից:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը չեղարկելու հիմք հանդիսանալ հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 32 հոդվածի 3-րդ մասի համաձայն՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, իսկ եթե տրանսպորտային միջոցը հանդիսանում է իրավաբանական անձի սեփականություն, ապա այն անձը, որին ամրացված է տրանսպորտային միջոցը կամ տրանսպորտային միջոցն ամրացնելու իրավասություն ունեցող անձը, **եթե չեն ապացուցում, որ խախտումը կատարել է այլ անձ:**

Վարչական վարույթի ընթացքում հիմնավորվել է, որ վիճարկվող որոշումով ամրագրված իրավախախտումը կատարվել է Գեղարքունիքի մարզի Գավառ քաղաքի Դեմիրճյան փողոցի 14 տան բնակիչ Գագիկ Խանդանյանի կողմից, ով Ճանապարհային ոստիկանությունում տված բացատրության մեջ նշել է, որ 2021թ. հոկտեմբեր ամսից փաստացի տիրապետել և վարել է <<RANGE ROVER>> մակնիշի 01 00 308 հաշվառման համարանիշի ավտոմոբիլը և խնդրել է վիճարկվող որոշումը վերահասցեագրել իր անվամբ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն Գագիկ Խանդանյանը ճանաչվել է որպես խախտումը կատարած անձ:

Ինչ վերաբերվում է արձանագրված իրավախախտմանը, ապա <<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված փվյալները:

Վիճարկվող որոշումներով ամրագրված իրավախախտումների հիմքերում դրված տեսանյութերի ուսումնասիրությամբ պարզվել է, որ դրանով ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Սուրեն Միրիբյանի՝ Ճանապարհային ոստիկանության 07.12.2021թ. թիվ 2113901158 որոշման հիմքում դրված փաստական հանգամանքների դեմ բերված գանգադը թողնել առանց բավարարման:

2. Հանձնարարել ՏՄՀԻՎԳՔ կենտրոնին՝ Գազիկ Խանդանյանի անվամբ կայացնել նոր վարչական ակտ:

3. Սույն որոշումը կարող է բողոքարկվել << վարչական դատարան՝ << օրենքով սահմանված կարգով և ժամկետներում:

4. Սույն որոշման օրինակն ուղարկել Սուրեն Միրիբյանին և ՃՈ ՏՄՀԻՎԳՔ կենտրոն:



Ե. Կարապետյան